



«ЗВЕЗДА»

«ЗВЕЗДА»

2 сентябрь 2016 ш
нюжмар

№ 35 (6516)

Багъа 2 къуруш

Газета буклаккиссар
1951-ку шинал
ноябрьдания шинмай

Учредитель: Ккуллал районнул администрация
Кулинская районная администрация

Цусса дуккаврил шинашал!



Августрал 25-ний Ваччав хьунни районнул кIулшиву дулаврил зуалтрал дуккаврил шин дайдишиннин хьхьичI мудан дувай сса конференция. Конференциялий гьуртту хьанай бия школардаал учительтал, оьрчIал багьирдлал бакIчитал, шяраваллал администрациярттал бакIчитал, идарарттал хьунимий, районнул бакIчи Сулайманов Саэд, кIулшиву дулаврил Управлениялул бакIчи ХIаммакIуева Альбина, Дагьусттаннал КIулшиву дулаврил ва элмулул министрствалул чулухасса вакил Базаев Аьлимпаша.

Конференция тIиртIуна районна лул бакIчи Сулайманов Саэдлул. Ванал барча бувна конференциялийн бавтIумий ялун нанисса цусса дуккаврил шинашал ва чIа увкуна гьарца иширттаву хьхьичIуннайши вуртту. Яла баян бувна ларгсса шинал ахиратравун лавгсса учительтурая: Миннал цIарду дакIнин дичлай, аьпалунсса лавай бизаву дурна. Ганияр махь щаллу дурна Аьрасатнал ва Дагьусттаннал гимнру. Хьирив махь буллуна райондалул кIулшиву дулаврил управлениялул хьунмур ХIаммакIуева Альбинахьхьун. Ванил цала докладрал бакIрайва циняв барча бувна ялун нанисса дуккаврил шинашал ва чIа увкуна цусса дуккаврил шинаву ххуйсса ккаккняртту, дуклаки оьрчIан, учительтуран цIуллушиву ва кулпатирттаву тIайлабацIуртту. Ялавай бищлай буру ванил бувсса доклад чансса кутIа бувну.

-ХIурмат лавайсса президиум, каялувчитал, педагогтал, даврил гьалмахтал хьамал! На барча буллай бура зу аьдатравун дагьсса августрай дувайсса педагогтурал конференциялий, цугу хьанакхьсса цусса 2016-2017- ку дуккаврил шинал дайдихьуну!-увкуна А.ХIаммакIуевал цала докладраву.-Гьарца дуккаврил шинаву дикIай цинна лархьхьсса дахханашивуртту. Ларгсса дуккаврил шингу дия педагогтуран личIисса, цигу зий бивкIсса качествалул чулуха дарс ххуй дувансса чулийсса. Жува хIакьину гьану бизлазиссару ялун дучIанмур кьинилул.

КIулшиву дулаврил чулухунмай сса цала пикри кIицI буллай 23-ний августрал МахIачкьалив хьусса конференциялий Дагьусттаннал БакIчи Рамазан Аьбуллатиповлул кIицI бувна:

1.«Гьанусса кIулшиву дулаврил ва мяьрипат лахьхьин даврил давуртту дикIан багьлагьиссар ци няв кIулшиву дулайсса учрежде ниярттай, хьиннува школардай».

2.«Школардавун чара бакъа зана дитан багьлагьиссар тарбия дулаву каних дувайсса давуртту ишла дуллан аьркиншиврий.Му хьанакхьиссар яла агьаммур аспекту профорентациялуву».

3.«КIулшиву дулаву дикIан аьркинссар Дагьусттаннал циняв амбициялул проектирдал лаглуруву».

4.«Гьарца инсаннал оьрмулул кьинирдаву, аьдат хIисаврай, оьрмулул ца тIимуну дикIан багьлагьиссар луттирду ккалаккаву, миллатирттал аьдату лахьла хьхьаву ва гай ядувансса ччаву чурххаву хIасул дуллалаву».

5.«Школа буван багьлагьиссар дуклаки оьрчIал ва нитти-буттал цIуллу-сагьшиву цIакь дувайсса кIануну»

6.«Дуклаки оьрчIаву патриотизма хIасул дуваншиврул, учитель тал цивппа бикIан багьлагьиссао патриотталну».

7.«Гьарца кIулшиву дулайсса учреждениалуву кадрарттал политика щурун аьркинссар».

Жувагу хIакьину жям

дуллалиссару ларгсса дуккаврил шинал жушара ци кьархьуну диркIун дурив хIисавравун ларсун, вания гихуннай гай чан дулланшиврул. 2016-2017-ку дуккаврил шинал районналий зун тIиссар 23 кIулшиву дулаврил учреждения: 8-дянивмур, 5-гьанумур, 1-байбихьулул школа, 4-оьрчIал багьру, 5-ххисса оьрчIан кIулшиву дулайсса учреждения. Утти дайдихлахьисса дуккаврил шинал школалийн занан тIий бур 116 класс-комплект цигу 900 ливчусса оьрчIру хIисавну. Амма хIайпсса затну хьанай бур вай дукIунияр чансса оьрчIру бушиву.

Уттисса чIумал ххуйсса кIулшиву дулаву хьанай бур гьанусса кIулшиву ласаврищал, тарбия дусса, аьмсса инсаниятрал кьанунну дурчIлачIисса ва гай дуручIайсса дуклаки оьрчIру тарбия буван багьлагьиву. Вайннушалва архIал кIулшиву дулаврил учреждениялул даврин кьимат бищавуну хьанай дур хIукуматрал ккаккан дурсса кIулшиву дулаврил программартту оьрчIал лахьхьавриву.Шамилчинмур кIулшиву дулаврил шачIануну хьанай бавчуссар лахьхий классирттаву дуклакисса оьрчIан профилданул касму лахьхьинисса цамур касмугу лахьхьин дуллалаву. Мугу хьанай бур гьарца таксса оьрчIал кIункIу тIаврих ва пагьмулух бурувгусса давуно. Ларгсса дуккаврил шинал мукунсса касмурду лахьлахьхьисса оьрчIруну хьунни 67 дуклаки оьрчI. Ми лахьлай бивкIссар слесарь-автомеханик ва цифрардал обору дованиярттал мастертал шайсса касмурду. Ларгсса дуккаврил шин кьуртал дувунни 922 оьрчIал. Дянивсса кIулшиву ларсьссар 66 дуклаки оьрчIал, миннаватугу 14-ннал ларсьссар медаллу. 5 оьрчIаща кьавхьунни аттестат ласун яла

лагьмур баллал шачIану лахьан кьавхьуну тIий. Ларгсса шинал ита даркьусса диялдакьашивуртту хIисавравун ларсун учительтурал цала даву ххуй дуван багьлай бур. Учин ччива хьиннува ялув бацIан багьлай бур оьрус мазрал, хIисаврттал, тарихрал, физикалул, информатикалул, географиялул дарсирдал. Дуклаки оьрчIан дулун багьлай бур мукунсса кIулшиву, лагмасса информациялул «арив» гай ххуйну, цанна хайрданунсса кьайда ишла дуван бюхьайсса даражалий икIан баглагьиву.Му чIумал ганаща нигы кьаувсун цала кIулшиву ккаккан дуван бюхьлай бур ЕГЭ дуллалиний.

Уттисса анаварну даххана хьанакхьисса дуньяллий, техникалул хьиннува хьхьичIунсса кIану бугьлагьисса чIумал, кIулшиву ласласисса оьрчI икIан багьлай ур хьинну ня ччяни щурущи дуван бюхьайсса, тIирхьасса, шаблонналий бакъасса цала пикри оьрмулуву бачин буван бюхьлахьисса личность. Мукунсса оьрчI тарбия уваншиврул учительтурангу аьркинну бур цаламур кIулшивугу гьарта-гьарза дуллан.Муни бивну ларгсса дуккаврил шинал жула районна лиясса 235 дуклаки оьрчI гьуртту хьуссар олипиадарттал этапирттай: школалий, райондалий, республикалий. Амма кIицI буван ччива вай оьрчIавату цавагу оьрчI гьуртту кьавхьунни республикалул этапрай ца лакку мазрал ва литературалул олимпиадалий личIаннин. Ванил бусласиссар жула учительтурал хьхьарашиврия. Мунияту цана кIулшиву дулавриву хьунмасса кIану бугьлай бур информатикалул. Агьамсса масалану хьхьичI бивгьуну буссар школалийсса оьрчIан кIулшиву дулавриву информациялул ва коммуникациялул технологияртту вайннан лахьхьин давриву. Гьашинусса дуккаврил шинал дайдихьулийва учительтуран аьркинссар электрон зумунусса дневник ва журнал бачин буван. Мукунма дарс дихьлахьиний ишла буллан аьркинссар интерактив доскартту ва проекторду. Шиккува кIицI буван ччива жула давриву жунма тачIав дакIния лаган битан кьабучIишиву гьарца дуклаки оьрчI цаманаха кьалавхьхьусса личность ушиву. Мунияту ганан цала аькьлу-кIулши ишла буллан лахьхьин бавур агьанмур жула бурж. ХIатта жунма бакIрайн багьлай бикIайхьурчагу

(Ахир 2-мур лаж.)

Ціусса дуккаврил шинащал!

(Дайдиху 1-мур лаж.)

буван. Мукума дарс дихла хьиний ишла буллан аьркинссар интерактив доскартту ва проекторду. Шиккува кїицї буван ччива жула давриву жунма тачїав дакїния лаган битан кьабучїишиву гьарца дуклаки оьрчї цаманаха кьалавхьхьусса хасиятрал ушиву. Мунияту ганан цала аькьлу-кїули ишла буллан лахьхьин бавур агьанмур жула бурж. Хїатта жунма бакїрайн багьлай бикїайхьур чагу бигьану дарс дурчїин дуван бюхьайсса ва захїматну дакьа дарс кьадурчїайсса оьрчїру.

Школарин биянинсса оьрчїан гарбия дулаву, гай школарин хїадур бавриву хьунмасса кїану бугьлай бур оьрчїал багьирдал. Федерал стандартрайн бувну миккусса школардайнирсса личїишиву ци дур учирча, микку тарбия буллалисса оьрчїал дянив цукунчїавсса аттестация ва экзаменну лахьссар. Шиккугу тїалавшиннарду оьрчїая кьахьурчагу вай тарбия буллалисса тарбиячитурая, педагогтурая ххисса дуссар. Муниин бувну сентябрь зуруй дикїантїиссар циняв оьрчїал багьирдаву зузисса тарбиячитурал дянивсса олимпиадартту ва аттестацияртту. Жула райондалий оьрчїал багьирдаву тарбия хьанай бур 236 оьрчї. Мукума 6 дянивмур даражалул школардай кутїасса чїумуйнуса тарбия лахьлай бивкїссар 3-6 шинавун биянинсса 20 оьрчї. Оьрчїал багьирдал тарбиячитал, оьрчїру хьинну ххуйну гьуртту шайр конкурсирттавух. Муниин бувну ттул умуд бур, хїатта вайнналул давурттавугу диялдакьа шивуртту дикїайхьурчагу, жула оьрчїан зунттал халкьуннал аьдарту лахьхьин дуллай цила багьайсса кьїйдасса тарбия дулунссар тїисса.

Шиккува кїицї буван ччива школарул оьрчїан кїулишиву дулавриву агьамсса кїану бугьлай бушиву ххисса кїулишиву дулаврилгу. Ххисса кїулишиврул хїакїну оьрчїал дакїнил тїалав буллалимурниву ганал пагьму ялун личин буллай бур. Ф.М. Достоевскийл: «Чувшиврийну ххал хьанан аьркинссар», - куну бур. Буниязлагу вай махьру хьанай бур ххисса кїулишиву дулавривусса эпиграфну. Тикрал буван ччива, ххисса кїулишиву дулаву данмур дакьа чїун гьан луллалаврив хїисав дуван кьабучїишивуча ва хьанан аьркинссар дянивсса кїулишиву дулаврил лагрулувусса кїулишиву ласавуну. Райондалий бур ххисса кїулишиву дулайсса 5 учреждения. Шиккун занай буссар 400-нива ливчусса оьрчїру. Вай оьрчїру гьуртту шайссар райондалул, республикалул зуму нуса конкурсирттавух ва бугьай ссар хьхьичїунсса кїантту. Аьдартравун багьсса тїуркїурдуну хьунни «Зарница», «Безопасное колесо», «А ну-ка парни», - тїисса ва цаймигу тїуркїурду.

Жула яла аваданшиву инсанталли. Мукума шиккува ххи

буван ччива аьдартравун багьсса: «Кадрардал биттур байссар гьарца зат», - тїисса учала.

Хїакїну райондалийсса школарттай зий ур 224 педагог. Вайннавату 78% учитель турал лахьсса кїулишиву ларьсса бур. 40(17%) учительнан дулуну дур лахьмур квалификациялул категория, цалчинмур квалификациялул категория дур 50% педагогтурал. Ванину учин бучїир гьарзамий учительтал бушиву лахьсса кїулишиву дусса специалстал. Шиккува кїицї буван ччива дузал кьахьанай бушиву английский мазрал учительтал. Оьрмулул хьун хьанай бур жучїава зузисса педагогталгу. 40% педагогтурал 50 шинава ливчусса бур. Бур жучїанма зун бучїан ччисса жагьилсса педагогталгу. Ларгсса дуккаврил шинал кьамул буварду 16 жагьилсса учитель. Вара даву дуллан тїий буру гьашинумур дуккаврил шиналгу. Ларгсса шинал 60 учительнал гьаз дурссар цала кїулишиву ва квалификация. «Министерства труда и социальной защиты РФ» - лул 2013-ку шинал цїакь бувну бур «Профессиональный стандарт педагога», - тїисса хїукму. Шикку бувсун бур цукунсса икїан багьлагьиссарив педагог. Мунияту чїун дуркїун дур гьарца педагогнан ва хїукмулул кїули хьуну цала профессианалсса кїулишиву лахь дуллан. Цайва цувалу хїадур хьанан цала дарс дишаву ххуй дуллай ва га цайминнангу ккаккан дуллай «Тїиртїусса дарснуга» га дарс дишаврил анализира хьичїи дишиншиврул. Мунияту жула учительтуран гьуртту хьанан аьркинссар райондалий, республикалий шайсса предме тирттал хьуннав, цаймий хьуннав конкурсирттавух, учиннуча «Учитель года», «Самый классный классный», - тїисса.

Бувсса докладрал хьирив кьамул дурна резолюция, цивугу кїицї лавгсса кїулишиву дулавриву хьхьичїунмай хьит учаву дуван багьлагьишиву.

Школарлай дарс дихьлахьисса учительнал оьрчїал оьрмулуву багьагу, цукунсса кїану бугьлагьиссарив жяматрал оьрмулуву гьарта-гьарзану кїицї бувну цала докладраву Ккуллал райондалул бакїчи Сулайманов Саэдлул. Ванал цала ихтилатраву кїицї бувну укунсса затру.

-Жяматрал тїайлабацїу бавхїуну буссар муданмагу кїулишиврущал, культуралуштал, инсаннал дакї-тагьардануштал, ялун нанисса никиран Ватан ххирашиврущал. Жула республикалий мудангу кїулишиву ласаву хїисав дуллай бивкїссар ва дуллайнма буссар яла агьанмур

социаль-экономикалул политикану.

Жува дуккаврил шин дайдишиннин цаппара гьантрал хьхьичї батїару ва аьдартравун дагьсса августрай сса совещаниялийн. Ва хьуну багьаву хьунссар тїисса умуд бур цїусса пикриру бусласисса ва райондалул кїулишиву дулаврил давуртту ххуй дувансса нанижатрайсса ихтилатру хьунссар тїисса умудгу бур.

Бакїраятува ттула ихтилат байбишин ччива жула райондалийсса демографиялия. 90-ку шиннардия махь райондалийсса школардай дуклакисса оьрчїру кїилинну чан хьуну бур. Му ниюту жунма кїулсса кьїяда школарду бавхїуну бур дуклакисса оьрчїал аьдадращал. Ччайнугу,

кьаччайнугу «оптимизация» тїисса махь ишла буллан багьлай бур. Мува лагрулуву махьсса 5 шинал мутгалий оьрчїал багьирдавун заназисса мюрцулт ххи хьуну бур, 190-нни 250-луннин бивну бур. Оьрчїал багьирдавун кїантта хьуну гьаминналгу 150 оьрчїал сияхї дур. Вай ишру бавхїуну бур хїукуматрал ниттихан дуллалисса «Ниттил капиталдануштал». Кїулишиву дулаврин райондалул харж дуллалиссар чан дакьасса арцу. Ларгсса 2015-ку шинал харж дурссар 155 мл. арцул. Му хьанахьиссар 64% щалагу р а й о н н а л у л бюджетрал. Гьашинусса 2016-ку шинал 7 зурул лагрулий аьмну райондалул бюджетрава харж хьуну дур кїулишиву дулаврин 69,5%. Лахьсса кїулишиву дусса инсанначїан ийясса цуцїав акьассар. Мунияту жула учительту рахь буссар хьунмасса мутта ялун нанисса ник тарбия дуван шяраваллил хьозїяства ххирану, циван учирча ччатї, дикї цаймий ссупралийсса дукия шяраваллил хьозїястварттава най

дуну тїий.

Цала ихтилатраву Саэд Хїасниевичлул ялагу кїицї бувна уттисса техникалул чулуха анаварну нанисса оьрмулул коммуникациярттал

Цала ихтилатраву Саэд Хїасниевичлул ялагу кїицї бувна уттисса техникалул чулуха анаварну нанисса оьрмулул коммуникациярттал технологиярттащал учительтал дусну бикїан багьлагьишиву, школардал сайтру ччиманал ххал буван бюхьайсса иширттай бикїан багьлагьишиву. Школардал директортал дарсру учительтурайх дачїавриву багьагу, уттизаманнул менеджерталну бикїан багьлагьишиву. Мукума ванал кїицї бувна циняв школардал директортурал дянив баян буван: «Яла ххуйма директор», - тїисса конкурс. Кїицї бувна Ккуллал 2-мур школарул директор Мурачуев Аьбдул, Хьювхьиял школарул директор Исаева Аьїша ва Ккуллал оьрчїал багьрал каялувчи Исакова Патїимат ялун чїалачїисса эьратрансса каялувчитал бушиву. Гьаз бувна ванал мукума цаймигу школарул оьрмулуцїун бавхїусса масалартту.

Конференциялий цала пикрирду кїибавчїуну: Ккуллал 1-мур школарул учитель Маммаев Рамазаннул, Ваччиял школарул директор Мирзаева Бажил, Ваччиял оьрчїал багьрал каялувчи Чупалаева Асватлул, Ккуллал райондалул администрациялул вивсса политикалул отделланул каялувчи Хизриев Шамххаллул, ва цайминналгу.

Хьирив Ккуллал райондалул бакїчинал администрациялул чулуха хьхьичїунсса ккаккїартту ккаккан дурсса учительтуран дуллауна грамотартту.

Залланивусса конференция дакьагу Ваччиял школарий, оьрчїал багьраву ва ххисса кїулишиву дулайсса идаралий най дия дарсирдал оььедениярттал заседанияртту.

Хї. Хїусайнов



АхIмадхан Султаннул цIанийсса медаль

2016-ку шинал августарл 23-ний Дагъусттан Республикалул БакIчи Р.ХI.АбдуллатIиповлул итабавкунни Указ АхIмадхан Султаннул цIанийсса «За вклад в патриотическое воспитание молодежи» медаль цукунсса дуссарив ккаккан буллалисса.

Ва Указрайн буну АхIмадхан Султаннул цIанийсса медаль дикIантIий дур арцул цIай бусса металланул, ккурккисса 34 мм деаметр дусса, кIирагу чулух ялун лирчусса суратру дусса.

Ца чулух чансса урчIайннай хьун дурну дикIантIий дур Совет Союзрал кIийла Виричу АхIмадхан Султаннул сурат, мунил ялун киячулиннайну чичру «Амет-хан Султан».

Медалланул гамур чулух мукьва ххуттайсса чичру «За вклад в патриотическое воспитание молодежи», чичрулул лувгу –лавралул кьартта.

Медаль цIакь дайсса дур ххюмурцIусса колод калуцIун, цувгу бавкьусса сунттул янналул, Дагъусттан Республикалул ттугълил рангру бусса; щюллисса, някIсса, ятIулсса.Ленталул утташиву 24 миллиметра.

Медалланул колодкалушалсса аьмсса лагру дур 90 мм лахъшиврул, 45 мм утташиврул.

ХIан хIарчIусса чIумал

Ххуллурдайх транспортрай заназавриву низам дуруччаврил ялув цуксса кьанкьану бацIларчагу, хIакьинусса кьинигу миккусса диялдакьашивуртту чан хъанай дакьар. Уттигу чIявусса хъуна бакълай бур хIангу хIарчIуну траспорт ишла дуллалисса. Хъусса апатIирттавугу ряхва процент хъанай бур хIан хIарчIусса саварттайну хъусса.

2013-ку шинал кьамул дурсса федерациялул закон №196-ФЗ «О внесении изменений в Кодекс Российской Федерации об административных правонарушениях и статью 28 Федерального закона «О безопасности дорожного движения» цувгу гужиравун дурххусса 2013-ку шинал сентябрьданул I-нния шихуннай.

Законналуву ккаккан буну буссар хIан хIарчIуну авто транспорт ишла дуллалисса чIумал, ягу хIан хIарчIаврил кьарал ххалдигьин уцин кьавхусса чIумал цукунсса ххуллу ласайсарив. Мукунма кьабучIи буллай буссар циксара духьурчагу увчу увайсса хIарчIия хIарчIуну траспорт ишла дуллан. Агарда хIавчIума ххал уллалисса чIумал мунал бивгьусса ссикIирал ца литралуву 0,16 миллиграммаря ххишала этиловый спирт кьадикIан аьркинссар.

Законналийн буну дурсса даххананшиннардаву ххишала хъуссар административный аьчIа ласаву ва транспорт ишла дуллансса ихтияр зиххаву.

2013-ку шинал сентябрь данул I-нния шихуннай хIан хIарчIун, ягу хIан хIарчIун уну миннул кьарал кIул дуван уцин кьахъанакьама кIункIу увайссар 30000 кьуруш административный аьчIа ласун ва транспорт ишла даврил ихтиярдануца увайссар 1,5 ная 2 шинайн яннинсса мутталай.

2014-ку шинал декабрьданул 31-ний кьамул дурсса законналийн

буну дурсса даххананшиннардийн буну, агана кIилчингу хIан хIарчIуну автотранспорт ишла дуллай ириярча АьФ-лул УК-лул 264 статьялул I-мур примечаниялийн буну аьчIа дишайссар 200000-300000 кьуруш, ягу дуснакь увайссар 2 шинайсса.

2013-ку шинал сентябрь данул I-нния шихуннай гужиравун дурххусса законналийн буну хIан хIарчIун траспорт ишла дуллалиманаца ихтияр найдунува кьазиххайссар.

Му зиххайссар судрал хIукму буну махъ. ХIукму гужиравун бивххусса чIумал аьркинссар цала ихтияр (водительское удостоверение) диян дуван. Му ихтияр диян дурсса чIумуяр шихуннайри ихтияр дануца аврил чIунгу дайдишайсса. Чяни цала ихтияр ласун ччарча, аьркинссар му чIумуй тапшур дурну дикIангу.

2016-ку шинал августарл 22-нийн Ккуллал районналийн ур 23 водитель ихтиярдануца увсса, амма ми ихтиярду (водительское удостоверение) «Лакский» МО-рал ОГИБДД-лийн тапшур кьадурсса Ми водительтуран цал уттигу дакIнин бутан ччай бур судрал хIукму гужиравун бивххун шанма гьантлул мутталай аьркинну бушиву цала удостоверениеярду тапшур дуван. Му ОГИБДД-лин тапшур кьадурсса кьана ниссар. Агарда ихтияр дакьа хъуну духьурчагу, муния аьрза чивчуну баян бунан аьркинссар ОГИБДД-лин, чIун дачиншиврул.

Водительтуран удостоверениеярду зана дувайссар МРЭО-лийн ххуллурдайх заназаврил низам кIулшиву цIунилгу ккаккан дурну махъ.

Т. Оьмариев,
ОГИБДД-лул начальник

ТIабиаьтрал баларду

Августарл 29-ний районналул администрациялул залданиву хъунни августарл 26-27-нийн цаппара шяраваллавун чявхъа бивчуну зараллу биян бивсса иширттан хас дурсса батIаву. БатIаву дачин дурну ия районналул бакIчинал хьирив ма Чаринов МахIаммад. Ва батIаврий гьуртту хъанай бия районналул администрациялул отлеллал бакIчитал, шяраваллал администрациярттал хъуними ва цаппара идарарттал каялувчитал. Ккуллал ва Лакрал районна дазуйсса Къимизу зунттуха бивкьсса чявхъалул Къяннал, Вихьуллал, Хъювхъиял, Ссухъияциял, Цуйшиял шяраваллал хъурун най дургьусса бакIлахъия зия дунни, кьатрал муххал магъив ларсунни, магъайсса шифердай ккутIру дурну, кIурчIулттив дунни. Ххуллурдай хъуна бакълай бия чявхъалул микIирал бивчусса чIелмулт, хъхьире ва цаймий лелуххант. Ца бахтти цивхьур учирча, цанма инсаннан зарал кьашаву хъунни.

КIицI дурсса шяраваллал хъуниминнал бусаврийн буну

сайки ххюрагу шяраву ттуршуннива лирчусса кьатран зарал хъушиву бивсуна. БатIаврий цалин бивкIуна зарал бивсса шяраваллаву сакин бунан аьркиншиву ва балаллул биян бивмур чагъардайн лавсун жям дуллалисса штабру.

Цала пикрирду кIи бавчIуна Вихьуллал шяраваллал бакIчи Сулайманов СайкIул, Хъусращиял шяраваллал бакIчи ХIа жиев Эдуардул, районналул администрациялул вивсса политикалул отлелланул бакIчи Хизриев Шамхаллул, районналул



финотделланул бакIчи Амучиев Кьурбаннул, районналул УО-лул хъун мур ХIаммакIеува Альби нал ва цаймигу батIаврий гьуртту хъанакьиминнал. ХIукуматрал чулуха укунсса чIумал кумагран дулайсса харж-хурж тIалав дуваншиврул кIицI буллай бия кьатрал чара бакъа «зеленка» ва гай строховать дурсса чагъарду бикIан багълагъишиву. Мукунма дугъайсса хъурунналгу. Амма вичIи дирхъусса чIумал ми «чагъарду» бакъашиву чIалай бия.

Банмур цир? - тIисса суал хIасул хъусса чIумал, циняв бия районналул вив шяраваллал бакIчитурал цанма цала кумаг буварча бакъа щилчIав кумаг кьабувантIишиву кIицI буллай. Бия пикрирду цана нанисса бивчIавурттавух гьуртту хъанакьисса депутатътал хъун ччиминналгу кабакъу бунан аьркинни тIий. ЧIаланссар вания гихунмай ци хъанансарив.

ЧIумуй дакьин дунни

Августарл 26-27-нийн районналийн бивчунни хьинну зараллу бивсса чявхъа. 27-нийн бивчумур чявхъул зияра дунни инсантурал дургьусса бакIлахъия. Вихьлив, Къянив, Хъювхъ, Ссухъияхъ, Цуйшав инсантурал кьатрал магъив ларсун, шиферду ккутIари дурну хъунмасса баларду ликкан бунни. Гъайгъай, мукунма 27-нийн бивсса чявхъул дуцан дурну дия токрал ххаллу, бивтун бия, гъагъан буну пасенкартта цалсса тталлу.

Хьиривмур кьини августарл 28-нийн районналийн Гергебеллал электросетирдал участокрал зуалт рал хьинну анавар сса мутталай чIумух кьабурвгун зий маркIачIаннин кIицI дурсса шяраваллавун чани биян бивунни.

Районналийн Гергебеллал электросетирдал участокалул хъунама Кьурбанов Аьбдулагълул ттухъ бивсунни цалла дурсса даврия ва

зий бивкIминная.

-Бигъалагай кьинилух кьабурвгун ттул канилу сса зуалтрал жула инсантурал кьатравун цIанлакьиннин чани биян бивссар. Ва чявхъуллул бия 6 ттала гъагъан буну бивтун. Ми баххана бивссар. Даххана дуван багъунни сайки ца километралийн дирсса токрал ххаллу. Шяравусса трансформатор дайсса ччурчусса предохранителлугу даххана дурссар. Ттуцал архIал зий бивкIссар 10 зузала. КIицI дуванна миннал цIарду:

Шамхалов Рамазан мас тер, Исаев Абакар электротриктурал бригадир, Шамхалов Кьурбан электрик, Маммаев Аздар электрик, ХIасанов Руслан шофергу, электрикгу, Давдиев Раджаб шофергу, электрикгу, Кьурбан аьлиев Сулайман шофер, Усттаров Сергей шофер.

Барчаллагъ тIий бур Аьвдулагъ Рамазанович вихьгу, вил канилу сса зуалтрахьгу жула шяраваллал жямат. Аллагънал буруччиннав жува балал лаяту.

Суратрай: райондалул участокрал зуалт



Редакциялул адрес

368390, Республика Дагестан
Ккуллал район, ш.Ваччи

Издательнал адрес:

Республика Дагестан
Ккуллал район, ш.Ваччи

Газета регистрировать
бывсар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хъунама
редактор
А.И. Къянчиев

Газета бавтIуссар «ЧаннацIуку»
газетрал редакциялул компьютердай,
бившуссар ГАУРД «Издательский дом
«ДАГЕСТАН». Типографиялул адрес:
367018. МахIачкьала, пр.
Насрутдинова 61,

ХI Буккайссар шожмардийн
КIусайнов
Индекс: 51317
тираж 650 экз. Газета
итабакьин кьулбас дайсса чIун
17. 00,
кьулбас дурсса чIун 16. 00